

উপজেলা পরিষদ
শান্তিগঞ্জ, সুনামগঞ্জ।

জুন/২০২২ মাসের উপজেলা পরিষদের মাসিক সভার কার্যবিবরণী:

সভাপতি : জনাব ফারুক আহমদ, চেয়ারম্যান, উপজেলা পরিষদ, শান্তিগঞ্জ।
সভার স্থান : উপজেলা পরিষদ সম্মেলন কক্ষ, শান্তিগঞ্জ।
সভার তারিখ : ২৩/৬/২০২২ খ্রি:
সময় : সকাল ১১.০০ ঘটিকা।

সভায় উপস্থিত সদস্যদের তালিকা পরিশিষ্ট 'ক':

সভাপতির অনুমতিক্রমে উপজেলা নির্বাহী অফিসার, শান্তিগঞ্জ উপস্থিত সকলকে স্বাগত জানিয়ে সভার কার্যক্রম শুরু করেন। সভার শুরুতেই উপজেলা নির্বাহী অফিসার, শান্তিগঞ্জ উপজেলা পরিষদে হস্তান্তরিত ১৭টি বিভাগের কার্যক্রম সরকারি নির্দেশনা মোতাবেক ধারাবাহিকভাবে সভায় উপস্থাপনের জন্য সংশ্লিষ্ট বিভাগীয় প্রধানকে অনুরোধ করেন। এ বিষয়ে উপজেলা নির্বাহী অফিসার জানান যে, বর্তমানে উপজেলা পরিষদের মাসিক কার্যক্রম পরবর্তী মাসের ০৫ তারিখের মধ্যে এম আই এস এর মাধ্যমে উর্ধ্বতন কর্তৃপক্ষকে জানাতে হয়। এমতাবস্থায় সঠিক সময়ে স্থায়ী কমিটির সভাসহ উপজেলা পরিষদের অন্যান্য কার্যক্রম সম্পন্ন করা না হলে এম আই এস এর মাধ্যমে তথ্য সরবরাহ করা যাবে না ফলে উর্ধ্বতন কর্তৃপক্ষ কর্তৃক পরিষদের কার্যক্রম মূল্যায়ন করা সম্ভব হবে না বিধায় বিভিন্ন প্রকারের জটিলতা দেখা দিবে।

এ বিষয়ে বিস্তারিত আলোচনান্তে উপজেলা পরিষদের ১৭ টি স্থায়ী গঠন করা হয়েছে। নিয়মিত স্থায়ী কমিটির সভাসমূহ পরিচালনার জন্য সংশ্লিষ্ট বিভাগীয় প্রধান/সদস্য সচিবগণকে অনুরোধ জানানো হয়। অতঃপর সভার আলোচ্য সূচী অনুযায়ী নিম্নোক্ত আলোচনা ও সিদ্ধান্ত গৃহীত হয় এবং বিগত সভার কার্যবিবরণী দৃঢ়করণ করা হয়।

এ বিষয়ে বিস্তারিত আলোচনান্তে উপজেলা পরিষদের স্থায়ী কমিটির সভাসমূহ নিয়মিত পরিচালনার জন্য সংশ্লিষ্ট বিভাগীয় প্রধান/সদস্য সচিবগণকে অনুরোধ জানানো হয়। অতঃপর সভার আলোচ্য সূচী অনুযায়ী নিম্নোক্ত আলোচনা ও সিদ্ধান্ত গৃহীত হয় এবং বিগত সভার কার্যবিবরণী দৃঢ়করণ করা হয়

আলোচ্য বিষয়	আলোচনা	গৃহীত সিদ্ধান্ত ও বাস্তবায়ন
১. বিগত সভার কার্যবিবরণী অনুমোদন	বিগত সভার কার্যবিবরণী সভায় পাঠ করে শুনানো হয় এবং কার্যবিবরণীতে কোন প্রকার সংযোজন/বিরোধিতা আছে কি না সভায় জানতে চাওয়া হয়।	সিদ্ধান্ত ১ : কার্যবিবরণীতে কোন সংশোধনী না থাকায় তা সর্ব সম্মতিক্রমে অনুমোদিত হয়। বাস্তবায়নে : উপজেলা নির্বাহী অফিসার, দক্ষিণ সুনামগঞ্জ।
০২. ব্যয়ের হিসাব	উপজেলা পরিষদের বিভিন্ন ব্যয় : সভায় নিম্নে উল্লেখিত বিলের বিষয়ে আলোচনা এবং পরিশোধিত বিলের ব্যয়োত্তর অনুমোদন প্রদান করা হয়।	
	০১ জনাব ফারুক আহমদ, চেয়ারম্যান, উপজেলা পরিষদ, শান্তিগঞ্জ এর মে/২০২২ মাসের সম্মানী ভাতার বিল	৪০,০০০/-
	০২ জনাব নূর হোসেন, ভাইস চেয়ারম্যান, উপজেলা পরিষদ, শান্তিগঞ্জ এর মে/২০২২ মাসের সম্মানী ভাতা বিল।	২৭,০০০/-
	০৩ জনাব দুলন রানী তালুকদার, মহিলা ভাইস চেয়ারম্যান, উপজেলা পরিষদ, শান্তিগঞ্জ এর মে/২০২২ মাসের সম্মানী ভাতার বিল।	২৭,০০০/-
	০৪ চেয়ারম্যান, উপজেলা পরিষদ, শান্তিগঞ্জ কার্যালয়ের মে/২০২২ মাসের আনুষঙ্গিক বিল ভ্যাটসহ	৫০০০/-
	০৫ চেয়ারম্যান, উপজেলা পরিষদ, শান্তিগঞ্জ কার্যালয়ের মে/২০২২ মাসের মাসিক,আপ্যায়ণ ও অন্যান্য বিল ভ্যাটসহ	১৩৯২৫/-
	০৬ চেয়ারম্যান, উপজেলা পরিষদ, শান্তিগঞ্জ কার্যালয়ের মে/২০২২ মাসের ইন্টারনেট বিল	৩৫০/-
	০৮ জনাব মোঃ মাহিন মিয়া, অফিস সহায়ক, উপজেলা পরিষদ, শান্তিগঞ্জ এর মে/২০২২ মাসের মজুরী বিল।	১৭০৫০/-
	০৯ জনাব লব চন্দ্র পাল, অফিস সহায়ক, উপজেলা পরিষদ, শান্তিগঞ্জ এর মে/২০২২ মাসের মজুরী বিল।	১৭০৫০/-
	১০ জনাব আবু রায়হান, মালী, উপজেলা পরিষদ, শান্তিগঞ্জ এর মে/২০২২ মাসের মজুরী বিল।	১৭০৫০/-
	১১ জনাব মোঃ কামাল হোসেন, পরিদপ্তর কর্মী উপজেলা পরিষদ, শান্তিগঞ্জ এর মে/২০২২ মাসের মাসের মজুরী বিল	১৭০৫০/-

১২	উপজেলা নির্বাহী অফিসারের কার্যালয়, শান্তিগঞ্জ এর মে/২০২২ মাসের ইন্টারনেট বিল	৪৫০/-
১৩	উপজেলা পরিষদের মে/২০২২ মাসের মাসিক সভাসহ বিভিন্ন সভার আপ্যায়ন বিল ভ্যাটসহ	১৩,০০২/-
১৪	উপজেলা ভাইস চেয়ারম্যানগণের সভাপতিত্বে গঠিত ১৭ সতেরটি উপজেলা কমিটির সভার জন্য মে/২০২২ মাসের মাসের আপ্যায়ন ও অন্যান্য খরচ বাবদ ব্যয়।	৮,০০০/-
১৫	জনাব ফারুক আহমদ, চেয়ারম্যান, উপজেলা পরিষদ, শান্তিগঞ্জ এর এপ্রিল/২০২১ হতে জুন/২০২২ পর্যন্ত ভ্রমণ ভাতার বিল	১৮,৭৫০/-
১৬	জনাব নূর হোসেন, ভাইস চেয়ারম্যান, উপজেলা পরিষদ, শান্তিগঞ্জ এর এপ্রিল/২০২১ হতে জুন/২০২২ পর্যন্ত ভ্রমণ ভাতার বিল	১৫,৩৩৫/-
১৭	জনাব দুলন রানী তালুকদার, মহিলা ভাইস চেয়ারম্যান, উপজেলা পরিষদ, শান্তিগঞ্জ এর এপ্রিল/২০২১ হতে জুন/২০২২ পর্যন্ত ভ্রমণ ভাতার বিল	১৫,৩১১/-

বিভাগওয়ারী আলোচনাঃ

ক্রমিক	আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
১।	উপজেলা প্রকৌশল বিভাগ	উপজেলা প্রকৌশলী সভাকে অবহিত করেন যে, উপজেলা পরিষদের গ্যারেজের চাল ঘুরিঝড়ে উড়ে গিয়েছিলো তা মেরামত করা হয়েছে। এছাড়াও পরিষদের ভবনের দেয়াল হতে বটগাছ অপসারণ করা বাবদ ৬০০০ টাকা ব্যয় হয়েছে মর্মে জানান। চেয়ারম্যান, উপজেলা পরিষদ ও উপজেলা নির্বাহী অফিসার, শান্তিগঞ্জ উপজেলা পরিষদের কোয়ার্টারের সংস্কারের কাজ জরুরী ভিত্তিতে সম্পন্ন করার জন্য উপজেলা প্রকৌশলীকে অনুরোধ করেন। ইউএনও জানান যে, উপজেলা পরিষদ ভবনের প্রায় সবকটি কমন টয়লেট ব্যবহার অনুপযোগী অবস্থায় আছে। এগুলোকে দ্রুত মেরামত করে ব্যবহারের উপযোগী করার জন্য তিনি উপজেলা প্রকৌশলীকে অনুরোধ জানান। উপজেলা প্রকৌশলি আরও বলেন যে, অগ্রীম বন্যায় উপজেলার রাস্তাসমূহের ৮-১০ কোটি টাকার ক্ষয়ক্ষতি হয়েছে। তিনি জেলা উন্নয়ন সমন্বয় কমিটির সভায় বিষয়টি উপস্থাপনের জন্য ইউএনও ও উপজেলা চেয়ারম্যানকে অনুরোধ করেন। এছাড়াও তিনি নোয়াখালী সেতুর এপ্রোচ সংলগ্ন স্থানে অবৈধ খাল দখলের বিষয়ে স্থানীয় ইউপি চেয়ারম্যানের সহায়তা কামনা করেন। এবং শান্তিগঞ্জ-রজনীগঞ্জ রাস্তার দুপাশে গাছ কর্তনের বিষয়েও তিনি পরিষদের দৃষ্টি আকর্ষণ করেন।	১। জরুরী ভিত্তিতে পরিষদ ভবনের টয়লেট ও কোয়ার্টারের মেরামত কাজ সম্পন্ন করতে হবে। ২. এডিপির প্রকল্পগুলো জুন মাসের মধ্যে সম্পন্ন করতে হবে।	১। উপজেলা প্রকৌশলী, শান্তিগঞ্জ।
২।	উপজেলা স্বাস্থ্য বিভাগ	উপজেলা স্বাস্থ্য ও পঃপঃ কর্মকর্তা, সভাকে অবহিত করেন যে, উপজেলা স্বাস্থ্য কমপ্লেক্সে বহিঃবিভাগ এর সেবা প্রদান কার্যক্রম চলমান আছে। বিগত ৫-৮ জুন ভিটামিন এ+ ক্যাম্পেইন সম্পন্ন হয়েছে। উপজেলা নির্বাহী অফিসার সভাকে অবহিত করেন যে, কমিউনিটি ক্লিনিক মাননীয় প্রধানমন্ত্রী শেখ হাসিনার বিশেষ ১০ টি উদ্যোগের অন্যতম। তৃণমূলের মানুষের স্বাস্থ্য সেবা নিশ্চিত করে কমিউনিটি ক্লিনিকের গুরুত্বপূর্ণ ভূমিকা রয়েছে। যদি ডাক্তারগণ সেখানে না বসেন তাহলে প্রধানমন্ত্রীর এ উদ্যোগটি সম্পূর্ণ সফল হবে না। উপজেলা স্বাস্থ্য কমপ্লেক্সে যেহেতু ৮ জন ডাক্তার কর্মরত আছেন সপ্তাহে অন্তত ১ দিন কমিউনিটি ক্লিনিকে বসে স্থানীয় গরীব জনগনকে চিকিৎসা সেবা প্রদান করলে এলাকাবাসী উপকৃত হবে। এ বিষয়ে	১। সপ্তাহে অন্তত ১ দিন কমিউনিটি ক্লিনিকে ডাক্তার কর্তৃক চিকিৎসা সেবা প্রদানের জন্য প্রয়োজনীয় ব্যবস্থা গ্রহণ করতে হবে।	১। উপজেলা স্বাস্থ্য ও পঃপঃ কর্মকর্তা, শান্তিগঞ্জ।

আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
	প্রয়োজনীয় ব্যবস্থা গ্রহণের জন্য ইউএইচএফপিও কে অনুরোধ জানানো হয়। ইউএইচএফপিও জানান যে, ইউনিয়ন পর্যায়ে ডাক্তারদের যাওয়া-আসা ও বসার সুব্যবস্থা নেই। একজন ক্যাডার কর্মকর্তার বসার উপযুক্ত পরিবেশ ইউনিয়ন পর্যায়ে থাকে না। যদি উপযুক্ত পরিবেশ তৈরি করে দেয়া যায় তাহলে তিনি ব্যক্তিগত উদ্যোগে ডাক্তারদের ইউনিয়নে পাঠানোর ব্যবস্থা গ্রহণ করবেন যদিও কমিউনিটি ক্লিনিকে ডাক্তারদের যাওয়ার কথা নয়। উপজেলা চেয়ারম্যান সভাকে অবহিত করেন যে, প্রতিবন্ধী সনদের জন্য স্বাস্থ্য কমপ্লেক্সে সেবা প্রার্থীদের কিছুটা বিড়ম্বনা পোহাতে হয়। এ বিষয়ের সহজীকরণের জন্য তিনি ইউএইচএফপিও র হস্তক্ষেপ কামনা করেন। উপজেলা প্রকৌশলী, শান্তিগঞ্জ সাপের বিষের এন্টিভেনম উপজেলা স্বাস্থ্য কমপ্লেক্সে আছে কিনা জানতে চাইলে ইউএইচএফপিও জানান যে এন্টি ভেনম কেবলমাত্র সদর হাসপাতালগুলোতে পাওয়া যায়।		
৩। উপজেলা প্রকল্প বাস্তবায়ন বিভাগ	উপজেলা প্রকল্প বাস্তবায়ন কর্মকর্তার পক্ষে উপ সহকারি প্রকৌশলী সভাকে প্রকল্পসমূহের অগ্রগতি সম্পর্কে সভাকে অবহিত করতে পারেন নি। উপজেলা নির্বাহী অফিসার হালনাগাদ তথ্য ও প্রস্তুতি নিয়ে সভায় অংশগ্রহণের জন্য তাকে অনুরোধ করেন।	১। টিআর, কাবিখা ও কর্মসূজন প্রকল্পসমূহের কাজ জুন ২০২২ এর মধ্যে সমাপ্ত করতে হবে।	১। উপজেলা প্রকল্প বাস্তবায়ন কর্মকর্তা, শান্তিগঞ্জ।
৪। উপজেলা জনস্বাস্থ্য প্রকৌশল বিভাগ	সহকারি প্রকৌশলি, উপজেলা জনস্বাস্থ্য প্রকৌশল বিভাগ জানান যে, ১০ টি পরিবারের জন্য সুপেয় পানি সরবরাহ প্রকল্পের স্থান নির্ধারণের জন্য ইউপি চেয়ারম্যানদের বলা হলেও কোন ইউপি হতে তা পাওয়া যায় নি। ইউপি চেয়ারম্যানদের দ্রুত স্থান নির্ধারণপূর্বক অবহিত করার জন্য তিনি অনুরোধ করেন। তিনি এছাড়াও জানান যে, হাট-বাজারসমূহে ২ টি পাবলিক টয়লেট স্থাপনের জন্য পাথারিয়া ও ভমবামি বাজারকে নির্ধারণ করা হয়েছে। উপজেলা নির্বাহী অফিসার সভাকে অবহিত করেন যে, মাননীয় পরিকল্পনা মন্ত্রী মহোদয়ের ৪০০০ টয়লেট ও ৪০০০ নলকূপ নির্মাণ প্রকল্পের অধীনে নির্মিত বেশ কিছু নলকূপে পানি উঠছে না। অনেক স্থানে টয়লেটের কাজ অসমাপ্ত রেখেই ঠিকাদার চলে গেছে। তিনি বলেন যে, উপজেলার গরীব জনগণের বিশুদ্ধ পানি সরবরাহ ও টয়লেটের সমস্যার সমাধান করায় শান্তিগঞ্জ উপজেলাবাসী মন্ত্রী মহোদয়ের নিকট কৃতজ্ঞ। তিনি সহকারি প্রকৌশলী কে উক্ত সমস্যা সমূহ সমাধানপূর্বক সভাকে অবহিত করার অনুরোধ করেন।	১) ১০ টি পরিবারের জন্য সুপেয় পানি সরবরাহ প্রকল্পের স্থান নির্ধারণপূর্বক অবহিত করতে হবে। ২) মন্ত্রী মহোদয়ের বিশেষ প্রকল্পের ত্রুটিপূর্ণ টয়লেট ও টিউবওয়েলগুলো মেরামত করতে হবে।	১। উপজেলা জনস্বাস্থ্য প্রকৌশলী, শান্তিগঞ্জ। ২। ইউনিয়ন পরিষদ চেয়ারম্যান (সকল)
৫। উপজেলা কৃষি বিভাগ	উপজেলা কৃষি সম্প্রসারণ কর্মকর্তা সভায় জানান যে, অকাল বন্যায় অত্র উপজেলার কৃষকগণের সকল ধরনের ফসলের ব্যাপক ক্ষয়ক্ষতি হয়েছে। বন্যায় ফসলের ক্ষয়ক্ষতির পরিমাণ নির্ণয়ের জন্য উপ-সহকারী কৃষি কর্মকর্তাগণকে নির্দেশনা প্রদান করা হয়েছে।	কৃষকদের ক্ষয়ক্ষতির পরিমাণ নির্ণয় করে প্রণোদনার ব্যবস্থা করতে হবে।	১) উপজেলা কৃষি কর্মকর্তা / উপজেলা কৃষি সম্প্রসারণ কর্মকর্তা
৬। উপজেলা মৎস্য	উপজেলা মৎস্য কর্মকর্তা, শান্তিগঞ্জ সভায় জানান যে, অত্র উপজেলায় মোট ১৫০০ টি মৎস্য কার্ড ০৮ টি	১। মৎস্য কার্ড কার্যক্রম নিয়মমাফিক জুন ২২ এর	১) উপজেলা মৎস্য

ক্রমিক	আলোচ্য বিষয়/বিভাগ	আলোচনা	সিদ্ধান্ত	বাস্তবায়ন
	বিভাগ	ইউনিয়নে প্রদান করা হবে। মৎস্যজীবী কার্ডের যাচাই বাছাইয়ের কাজ চলমান। জুনের ১ম সপ্তাহের মধ্যে কার্যক্রম শেষ করা সম্ভব হবে। ইউপি চেয়ারম্যানবৃন্দ নির্বিচারে পোনা নিধনের বিরুদ্ধে অভিযান চালানোর জন্যে সংশ্লিষ্ট সকলকে অনুরোধ করেন। পোনা মাছ সংরক্ষণে প্রয়োজনীয় অভিযান ও মোবাইল কোর্ট পরিচালনা করা গেলে মৎস্য সম্পদ রক্ষা করা যাবে মর্মে আলোচনা করেন।	মধ্যে সমাপ্ত করতে হবে। ২। পোনা মাছ সংরক্ষণে প্রয়োজনীয় অভিযান ও মোবাইল কোর্ট পরিচালনা করতে হবে।	কর্মকর্তা, শান্তিগঞ্জ।
৭।	উপজেলা পরিবার পরিকল্পনা বিভাগ	উপজেলা নির্বাহী অফিসার পরিবার পরিকল্পনা বিভাগের সাথে সংশ্লিষ্ট ইউজেন্ডজিপি প্রকল্পের ৬ টি ওয়ার্কশপের কাজ জুনের মধ্যে সমাপ্ত করার অনুরোধ জানান।	১) ইউজেন্ডজিপি প্রকল্পের ৬ টি ওয়ার্কশপে আয়োজন করতে হবে।	১) উপজেলা পরিবার পরিকল্পনা কর্মকর্তা, শান্তিগঞ্জ ২) মাধ্যমিক শিক্ষা কর্মকর্তা, শান্তিগঞ্জ
৮	উপজেলা প্রাণীসম্পদ বিভাগ	উপজেলা প্রাণীসম্পদ কর্মকর্তা সভায় জানান যে, বন্যায় বন্যপ্রাণীদের আশ্রয়স্থল বিনষ্ট হওয়ায় এ সময় বসতবাড়িতে সাপের উপদ্রব বৃদ্ধি পাবে। হতে রক্ষা পাওয়ার জন্যে সবাইকে পরামর্শ প্রদান করেন ও অহেতুক এই প্রাণী হত্যা থেকে বিরত থাকার জন্যে সকলকে অনুরোধ করেন। তিনি আরও জানান যে, বন্যার সময় দুর্গত মানুষের জন্যে ত্রাণ সহায়তা দেয়া হলেও আমরা প্রাণীদের জন্যে কোন খাদ্য সহায়তার কথা ভাবি না। কিন্তু এ দুর্ঘটনার সময় তাদের প্রাকৃতিক খাবারের উৎস ক্ষতিগ্রস্ত হয়। উপজেলা সমবায় কর্মকর্তা এ প্রেক্ষিতে বন্য প্রাণীদের জন্যে হাওরের উচু স্থানে অভয়াশ্রমের ব্যবস্থা করার অনুরোধ জানান।	১) প্রাণী খাদ্যের বরাদ্দ প্রদানের জন্যে চাহিদা প্রেরণ করতে হবে।	১) উপজেলা প্রাণীসম্পদ কর্মকর্তা
৯	উপজেলা প্রাথমিক শিক্ষা অফিস	উপজেলা প্রাথমিক শিক্ষা কর্মকর্তা, শান্তিগঞ্জ উপজেলার কেশবপুর, কুতুবপুর, থলৈরবন্দ, ইসলামপুরসহ উপজেলার বিভিন্ন প্রাথমিক বিদ্যালয়ের সাথে মূল সড়কের সংযোগ সড়ক না থাকায় শিক্ষার্থীদের স্কুলে আসা-যাওয়ার সমস্যা হচ্ছে এবং ভবিষ্যতে জায়গা বেদখল হওয়ার সম্ভাবনা আছে। তিনি আরও জানান যে, সাম্প্রতিক বন্যায় উপজেলার ৯৭ টি প্রাথমিক বিদ্যালয়ের ৪১টির সাথে ও ১৪ টির প্রেক্ষিকক্ষে পানি উঠেছিলো। এবং প্রায় ১৬ টি পরিবার ৯ টি স্কুলে আশ্রয় নেয়। এতে স্বাভাবিক পাঠদান ব্যতহ হয়েছে।	১. ইউপি চেয়ারম্যানগণকে স্ব-স্ব ইউনিয়নের প্রাথমিক বিদ্যালয়ের সাথে গ্রামের সংযোগ রাস্তা নির্মাণ করতে হবে ২. বিদ্যালয়সমূহে পরিদর্শন বৃদ্ধি করতে হবে।	১. ইউপি চেয়ারম্যান(সকল), শান্তিগঞ্জ। ২. উপজেলা প্রাথমিক শিক্ষা কর্মকর্তা, শান্তিগঞ্জ
১০	উপজেলা মাধ্যমিক শিক্ষা অফিস	একাডেমিক সুপারভাইজার সভায় জানান তার অফিস কক্ষের দরজাটি মেরামতের কোন ব্যবস্থা গ্রহণ করা হয় নি। তিনি আরও জানান যে, সাম্প্রতিক বন্যায় ১০ টি স্কুলের পাঠদান ব্যতহ হয়েছে। কিন্তু উপজেলা নির্বাহী অফিসারের অনুরোধে এসব স্কুলে প্রাথমিক শিক্ষার্থীদের ক্লাস অব্যাহত রাখা হয়েছে। ভটিস চেয়ারম্যান সভাকে জানান যে, শান্তিগঞ্জ উপজেলা ভৌগোলিকভাবে দুর্গত ও শিক্ষা ক্ষেত্রে পিছিয়ে পড়া একটি উপজেলা হওয়ার কারণে নিয়মিত মাধ্যমিক শিক্ষা কার্যক্রম পদায়ন না থাকায় বিদ্যালয়সমূহে পাঠদান কার্যক্রম সঠিকভাবে মনিটরিং করা যাচ্ছে না। মাধ্যমিক শিক্ষা কর্মকর্তা পদায়নের জন্যে জেলা প্রশাসক মহোদয়ের	১. অফিসের দরজাটি মেরামত করতে হবে।	১. উপজেলা মাধ্যমিক শিক্ষা, শান্তিগঞ্জ

ক্র	আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
		মাধ্যমে মাধ্যমিক শিক্ষা অধিদপ্তরে পত্র প্রেরণের অনুরোধ জানান তিনি।		
১১	উপজেলা সমবায় কার্যালয়	উপজেলা সমবায় কর্মকর্তা বলেন, বজাবন্ধু মডেল ভিলেজ ডুংরিয়া পাইলট প্রকল্পের আওতায় সমবায় সমিতি গঠনের নির্দেশনা পাওয়া গেছে। ইতিমধ্যে সমিতি গঠনের কার্যক্রম গ্রহণ করা হয়েছে। অত্র উপজেলায় বজামাতা শেখ ফজিলাতুন্নেছা প্রকল্প নামীয় আরও একটি প্রকল্প পাওয়া গেছেন। সার্বিক গ্রাম উন্নয়ন প্রকল্পের মাধ্যমে ০২ মাস ব্যাপি বিভিন্ন ট্রেডে প্রশিক্ষণ প্রদান করা হচ্ছে।	১. বজাবন্ধু মডেল ভিলেজ ডুংরিয়া পাইলট প্রকল্পের কাজ সরকারি নির্দেশনা মেনে যথাযথভাবে বাস্তবায়ন করতে হবে।	১. উপজেলা সমবায় কর্মকর্তা, শান্তিগঞ্জ।
১২	উপজেলা সমাজসেবা কার্যালয়	উপজেলা সমাজসেবা কর্মকর্তা সভাকে অবহিত করেন যে, অসচ্চল প্রতিবন্ধী প্রতিস্থাপনের জন্য সকল চেয়ারম্যানগণকে তালিকা প্রদানের জন্য অনুরোধ করা হয়। মুক্তিযোদ্ধা কমপ্লেক্স ভবনের নিচতলার কিন্ডারগার্টেনের ভাড়া পাওয়া যায়নি এবং চুক্তি সম্পাদন হয়নি। প্রতিষ্ঠানের প্রধানের সাথে যোগাযোগ করে কার্যক্রম সম্পন্ন করার জন্য সভায় অনুরোধ করা হয়।	মুক্তিযোদ্ধা কমপ্লেক্স ভবনের নিচতলার কিন্ডারগার্টেনের ভাড়া আদায় করতে হবে।	১. উপজেলা সমাজসেবা কর্মকর্তা।
১৩	উপজেলা খাদ্য নিয়ন্ত্রকের কার্যালয়	উপজেলা খাদ্য নিয়ন্ত্রক, শান্তিগঞ্জ সভায় জানান যে, বোরো ধান সংগ্রহ কার্যক্রম শুরু করা হলেও ভয়াবহ বন্যার জন্য কার্যক্রম বন্ধ রয়েছে।	সরকারি ভাবে খাদ্যগুদামে ধান সংগ্রহ প্রক্রিয়া সচ্ছতার সহিত সম্পন্ন করতে হবে।	উপজেলা খাদ্য নিয়ন্ত্রক, শান্তিগঞ্জ।
১৪	পরিসংখ্যান বিভাগ	উপজেলা পরিসংখ্যান কর্মকর্তা, সভাকে অবহিত করেন যে, বিভাগের কার্যক্রম স্বাভাবিকভাবে চলছে।	কোন সিদ্ধান্ত নেই	উপজেলা পরিসংখ্যান কর্মকর্তা
১৫	আনসার ভিডিপি বিভাগ	উপজেলা আনসার ভিডিপি কর্মকর্তা সভায় অনুপস্থিত থাকায় তার বিভাগীয় কার্যক্রম সম্পর্কে আলোচনা করা হয়নি।	কোন সিদ্ধান্ত নেই	উপজেলা আনসার ভিডিপি কর্মকর্তা, শান্তিগঞ্জ
১৬	উপজেলা পল্লী উন্নয়ন বিভাগ	উপজেলা পল্লী উন্নয়ন কর্মকর্তা, শান্তিগঞ্জ সভায় অনুপস্থিত থাকায় তার বিভাগীয় কার্যক্রম সম্পর্কে আলোচনা করা হয়নি।	কোন সিদ্ধান্ত নেই	উপজেলা পল্লী উন্নয়ন কর্মকর্তা
১৭	উপজেলা মহিলা বিষয়ক বিভাগ	উপজেলা মহিলা বিষয়ক কর্মকর্তা, শান্তিগঞ্জ এর পক্ষে জনাব হাসান কবির, উপজেলা শিশু অধিকার বিষয়ক কর্মকর্তা সভায় জানান যে, বর্তমানে মার্তৃৎকালীন অন্তর্ভুক্তিকরণের তালিকার কাজ বন্ধ রয়েছে। আগামী জুলাই/২০২২ থেকে যথারীতি কার্যক্রম শুরু হবে। এ বিষয়টি সংশ্লিষ্ট সকলকে অবহিত করেন। নীতিমালা মোতাবেক কেবল মাত্র ০২ টি সন্তানের বেলায় মার্তৃৎকালীন ভাতা প্রযোজ্য। কিন্তু অধিকাংশ ইউনিয়ন হতে একাধিক সন্তান এর মায়ের জন্য এ ভাতার আবেদন প্রেরণ করেন এ বিষয়ে নীতিমালার আলোকে প্রস্তাব প্রেরণের জন্য সভায় অনুরোধ জানান। ইউনিয়ন পরিষদে ট্যাগ অফিসারের উপস্থিতিতে ভিজিডি চাউল বিতরণের বিষয়টি নিশ্চিত করার জন্য অনুরোধ করা হয়। তিনি আরও বলেন যে, ভিজিডি চাল বিতরণের মাস্টাররোল ইউনিয়ন পরিষদ হতে বিগত ৫ মাস যাবত পাওয়া যাচ্ছে না।	১. নীতিমালা মোতাবেক কেবল মাত্র ০২ টি সন্তানের বেলায় মার্তৃৎকালীন ভাতার প্রস্তাব প্রেরণ করতে হবে। ২. ট্যাগ অফিসারের উপস্থিতিতে ভিজিডি চাউল বিতরণ করতে হবে। ৩। গত জানুয়ারী ২০২২ হতে ভিজিডি চাল বিতরণের মাস্টাররোল প্রতিটি ইউনিয়ন পরিষদ হতে প্রেরণ করতে হবে।	১. উপজেলা মহিলা বিষয়ক কর্মকর্তা ২. ইউপি চেয়ারম্যান (সকল), শান্তিগঞ্জ।

ক্রমিক	আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
১৮	উপজেলা বন সংরক্ষণ বিভাগ	উপজেলা বন সংরক্ষণ কর্মকর্তা, সভায় অনুপস্থিত থাকায় তার বিভাগীয় কার্যক্রম সম্পর্কে আলোচনা করা হয় নি।	কার্যপত্রসহ পরবর্তী সভায় উপস্থিত থাকতে হবে।	উপজেলা বন সংরক্ষণ কর্মকর্তা
১৯	উপজেলা যুব উন্নয়ন কর্মকর্তা	উপজেলা যুব উন্নয়ন কর্মকর্তা, শান্তিগঞ্জ সভাকে অবহিত করেন যে, বিভাগের কার্যক্রম স্বাভাবিকভাবে চলছে।	কোন সিদ্ধান্ত নেই	উপজেলা যুব উন্নয়ন কর্মকর্তা
২০	পল্লী সঞ্চয় ব্যাংক ও আমার বাড়ি আমার খামার প্রকল্প।	ব্যবস্থাপক, পল্লী সঞ্চয় ব্যাংক, শান্তিগঞ্জ সভাকে অবহিত করেন যে, বিভাগের কার্যক্রম স্বাভাবিকভাবে চলছে।	কোন সিদ্ধান্ত নেই	ব্যবস্থাপক, পল্লী সঞ্চয় ব্যাংক।
২১	বিবিধ আলোচনা	(ক) বাংলাদেশের উত্তর এবং উত্তর-পূর্বাঞ্চল, তদসংলগ্ন ভারতের আসাম এবং মেঘালয়ে ভারী বৃষ্টিপাতের ফলে সুরমা, কুশিয়ারা, যাদুকাটার পানি বিপদসীমার উপর দিয়ে অতিক্রম করছে। সিলেট বিভাগীয় শহরসহ সুনামগঞ্জ জেলায় নদ-নদীর পানি অস্বাভাবিকভাবে বৃদ্ধির ফলে মানুষের ঘরবাড়ি ও রাস্তাঘাট তলিয়ে গেছে। ভারী বর্ষণ ও পাহাড়ি ঢলে শান্তিগঞ্জ উপজেলার নিম্নাঞ্চল প্লাবিত হয়েছে। বন্যার কারণে এত্র উপজেলায় মানুষের ঘরবাড়ি ও রাস্তাঘাট পানিতে তলিয়ে গেছে। বন্যা পরিস্থিতি অবনতির হওয়ায় জনসাধারণ বিভিন্ন আশ্রয় কেন্দ্রে আশ্রয় নিয়েছে। নানা রোগ বলাই দেখা দিচ্ছে। বন্যাকবলিত মানুষের মাঝে জ্বরুরী সহায়তা পৌঁছে দেওয়া হচ্ছে। এ বিষয়ে সকলের সহযোগিতা প্রয়োজন। (খ) উপজেলা পরিষদের জীপগাড়িটি (নং-১১-০০৩০) বিধি মোতাবেক রক্ষনাবেক্ষণ/মেরামত যেমন- এয়ার ক্লিনার ফিল্টার, মবিল ফিল্টার, পেট্রোল ফিল্টার ও অন্যান্য ব্যয় বাবদ ২৯,০০০/- (উনত্রিশ হাজার) টাকার বিল দাখিল করেছেন। ব্যয়িত অর্থ উপজেলা পরিষদের রাজস্ব তহবিল হতে পরিশোধের বিষয়ে আলোচনা করা হয়। (গ) সভায় উপজেলা নির্বাহী অফিসার, শান্তিগঞ্জ উপজেলা পরিষদের ২০২২-২০২৩ অর্থ বছরের খসড়া বাজেটটি সভায় উপস্থাপন করা হয়। সার্বিক দিক পর্যালোচনায় প্রস্তাবিত বাজেট সর্বসম্মতক্রমে অনুমোদনের বিষয়ে আলোচনা করা হয়। (ঘ) উপজেলা নির্বাহী অফিসার, শান্তিগঞ্জ, সুনামগঞ্জ সভায় অবহিত করেন যে, জনাব মোঃ আতাউর রহমান, ডাইভার, উপজেলা পরিষদ, শান্তিগঞ্জ, সুনামগঞ্জ এর চাকুরীকাল আগামী ০৬.০৬.২০২২ খ্রিঃ তারিখ ১০ (দশ) বছর চাকুরীকাল পূর্ণ হওয়ায় উচ্চতর গ্রেড পাওয়ার জন্য বিগত ০১/০৬/২২ খ্রিঃ তারিখে চেয়ারম্যান, উপজেলা পরিষদ, শান্তিগঞ্জ বরাবরে একখানা আবেদন দাখিল করেন। আবেদনটি সভায় উপস্থাপন করা হয়। এ বিষয়ে সভায় বিস্তারিত আলোচনা করা হয়। আলোচনান্তে পদোন্নতি ব্যতিরেকে চাকুরীকাল বিরতিহীন ও সন্তোষজনকভাবে ১০ (দশ) বছর পূর্ণ হওয়ায় তাকে ০৬.০৬.২০২২ খ্রিঃ তারিখ হতে পরবর্তী উচ্চতর গ্রেড -১৫ (বেতন স্কেল-৯৭০০-২০৪৯০) প্রদানের বিষয়ে সর্বসম্মত সিদ্ধান্ত গৃহীত হয়। উক্ত সিদ্ধান্তের আলোকে জাতীয় বেতন স্কেল ২০১৫ এর ৭(১)	১. বন্যায় ক্ষতিগ্রস্ত পরিবারের মাঝে সহায়তা ও ত্রাণ সামগ্রী পৌঁছে দেওয়ার জন্য সকল বিভাগীয় প্রধানদের সহযোগিতা করতে হবে। ত্রাণ কার্যক্রম সুষ্ঠুভাবে সম্পন্ন করতে সংশ্লিষ্ট ট্যাগ অফিসারদের তদারকি কার্যক্রম বৃদ্ধি করতে হবে। ২. উপজেলা পরিষদের জীপগাড়িটি (নং-১১-০০৩০) বিধি মোতাবেক রক্ষনাবেক্ষণ/মেরামত যেমন- এয়ার ক্লিনার ফিল্টার, মবিল ফিল্টার, পেট্রোল ফিল্টার ও অন্যান্য ব্যয় বাবদ ২৯,০০০/- (উনত্রিশ হাজার) টাকা পরিশোধ করতে হবে। ৩. উপজেলা পরিষদের ২০২২-২০২৩ অর্থ বছরের খসড়া বাজেটটি সর্বসম্মতক্রমে অনুমোদন করা হয়। ৪. জনাব মোঃ আতাউর রহমান, ডাইভার, উপজেলা পরিষদ, শান্তিগঞ্জ, সুনামগঞ্জ এর চাকুরীকাল আগামী ০৬.০৬.২০২২ খ্রিঃ তারিখ ১০ (দশ) বছর চাকুরীকাল পূর্ণ হওয়ায় তাকে ০৬.০৬.২০২২ খ্রিঃ তারিখ হতে পরবর্তী উচ্চতর গ্রেড - ১৫ (বেতন স্কেল-৯৭০০-২০৪৯০) প্রদান করতে হবে।	১. উপজেলা নির্বাহী অফিসার, শান্তিগঞ্জ। ২. উপজেলা নির্বাহী অফিসার, শান্তিগঞ্জ। ৩. উপজেলা নির্বাহী অফিসার, শান্তিগঞ্জ। ৪. উপজেলা নির্বাহী অফিসার, শান্তিগঞ্জ।

ক্রমিক	আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
		অনুচ্ছেদ অনুযায়ী প্রয়োজনীয় ব্যবস্থা গ্রহণের জন্য উপজেলা নির্বাহী অফিসার ও মুখ্য নির্বাহী কর্মকর্তা শান্তিগঞ্জকে সভায় অনুরোধ করা হয়। (৬) উপজেলা নির্বাহী অফিসার, শান্তিগঞ্জ সভাকে অবহিত করেন যে, অত্র উপজেলায় মাত্র ৫০-৫২ জনের মতো বীর মুক্তিযোদ্ধা জীবিত আছেন। সময়ের পরিক্রমায় তাদেরকেও হয়তো আমরা হারাবো। কিন্তু একান্তরের রণাঙ্গণে তাদের অমূল্য অভিজ্ঞতা ভবিষ্যৎ প্রজন্মের জন্য সংরক্ষণ করা প্রয়োজন। এ বিষয়ক একটি সংকলন প্রকাশ করার নিমিত্ত জীবিত বীরমুক্তিযোদ্ধাদের সাক্ষাতকার/অভিজ্ঞতা ও স্মৃতি বিজরিত বিষয়াদি নিয়ে সংকলন/বই প্রকাশ করা হয়েছে। উক্ত প্রকাশনা খরচ বাবদ ১,৭৮,০০০/- (এক লক্ষ আটাত্তর হাজার) টাকা ব্যয় হয়েছে। ব্যয়িত অর্থ বিধি মোতাবেক উপজেলা পরিষদের রাজস্ব তহবিল হতে পরিশোধের বিষয়ে আলোচনা করা হয়। (৮) উপজেলা নির্বাহী অফিসার, শান্তিগঞ্জ, সুনামগঞ্জ সভায় জনাব মোঃ আব্দুল হাই আজাদ, সাঁট-মুদ্রাক্ষরিক-কাম-কম্পিউটার অপারেটর, উপজেলা পরিষদ, শান্তিগঞ্জ কর্তৃক ভবিষ্যৎ তহবিল খোলার আবেদনটি সভায় উপস্থাপন করেন। এ বিষয়ে জানা যায় যে, স্থানীয় সরকার বিভাগের অধীন পৌরসভার সচিবসহ অন্যান্য কর্মচারীদের এবং ইউনিয়ন পরিষদ সচিবগণের স্ব স্ব হিসাব রক্ষণ অফিসে ভবিষ্যৎ তহবিল খোলার কোন কোড না থাকায় ভবিষ্যৎ তহবিলে জমাকৃত টাকার কোন প্রকার সুদ প্রদান করা হবেনা মর্মে জানানো হয়েছে। উপজেলা পরিষদের সাঁট-মুদ্রাক্ষরিক-কাম-কম্পিউটার অপারেটরসহ অন্যান্য কর্মচারীদের ভবিষ্যৎ তহবিলের টাকা গ্রহণে উপজেলা হিসাব রক্ষণ অফিসে কোন অর্থনৈতিক কোড না থাকায় ভবিষ্যৎ তহবিলের টাকা জমা রাখা যাবেনা মর্মে জানানো হয়েছে। এ প্রেক্ষিতে স্থানীয় সরকারের অন্যান্য প্রতিষ্ঠানের কর্মচারীদের সরকারের যে কোন তফশীলি ব্যাংক এ ভবিষ্যৎ তহবিল (সিপিএফ) খোলা হয়েছে। এ ক্ষেত্রে পৌরসভা সচিবের ক্ষেত্রে মেয়র এবং ইউনিয়ন পরিষদ সচিবগণের ক্ষেত্রে জেলা প্রশাসক নিয়োগকারী কর্তৃপক্ষ হিসেবে উপ পরিচালক, স্থানীয় সরকার, সুনামগঞ্জ মহোদয় সংশ্লিষ্ট কর্মচারীদের নামে ভবিষ্যৎ তহবিল হিসাব পরিচালনার জন্য পূর্বলী ব্যাংক লিঃ, সুনামগঞ্জ শাখার ব্যবস্থাপককে নির্দেশনা প্রদান করেছেন। ইউনিয়ন পরিষদের সচিবগণের ক্ষেত্রে উপ পরিচালক, স্থানীয় সরকার, সুনামগঞ্জ মহোদয়কে হিসাব রক্ষণ কর্মকর্তা হিসেবে জেলা প্রশাসক মহোদয় নিয়োগ দিয়েছেন। অনুরূপভাবে চেয়ারম্যান, উপজেলা পরিষদ, শান্তিগঞ্জ উপজেলা পরিষদের কর্মচারীদের নিয়োগকারী কর্তৃপক্ষ হিসেবে পরিষদের সাঁট-মুদ্রাক্ষরিক-কাম-কম্পিউটার অপারেটরসহ অন্যান্য কর্মচারীদের ভবিষ্যৎ তহবিলের হিসাব পরিচালনার জন্য উপজেলা নির্বাহী অফিসার, শান্তিগঞ্জ, সুনামগঞ্জকে হিসাব রক্ষণ কর্মকর্তার দায়িত্ব পালনের নিমিত্ত সোনালী ব্যাংক, শান্তিগঞ্জ/পূর্বলী ব্যাংক লিঃ, পাগলা বাজার শাখা শান্তিগঞ্জকে উপজেলা পরিষদ কর্মচারীদের নামে পৃথক পৃথক ভবিষ্যৎ তহবিল হিসাব খোলা জন্য অনুরোধ করে পত্র দেয়ার অনুরোধ জানান। (i) বিস্তারিত আলোচনান্তে স্থানীয় সরকার, পল্লী উন্নয়ন ও সমবায় মন্ত্রণালয়, স্থানীয় সরকার বিভাগ, উপজেলা-১ শাখা কর্তৃক উপজেলা পরিষদের কর্মচারীদের ভবিষ্যৎ তহবিল (সিপিএফ) হিসাব	৫. বীরমুক্তিযোদ্ধা সংকলন/বই প্রকাশনা খরচ বাবদ ১,৭৮,০০০/- (এক লক্ষ আটাত্তর হাজার) টাকা বিধি মোতাবেক উপজেলা পরিষদের রাজস্ব তহবিল হতে পরিশোধ করতে হবে। ৬. বিধিমোতাবেক উপজেলা পরিষদের কর্মচারীগণের ভবিষ্যৎ তহবিল হিসাব খোলা ও পরিচালনা করতে হবে।	৫. উপজেলা নির্বাহী অফিসার, শান্তিগঞ্জ। ৬. উপজেলা নির্বাহী অফিসার, শান্তিগঞ্জ।

ক্রমিক	আলোচ্য বিষয়/ বিভাগ	আলোচনা	সিদ্ধান্ত	বাস্তবায়ন
		খোলা/গঠন সংক্রান্ত তাগিদ পত্র মোতাবেক জনাব মোঃ আব্দুল হাই আজাদ, সাঁট-মুদ্রাক্ষরিক-কাম-কম্পিউটার অপারেটর এবং অন্যান্য কর্মচারীদের উপজেলা পরিষদ, শান্তিগঞ্জ এর ভবিষ্যৎ তহবিল হিসাব পরিচালনার জন্য পূর্বালী ব্যাংক, পাগলা বাজার শাখা, শান্তিগঞ্জকে পত্র দেয়ার সিদ্ধান্ত গৃহীত হয়। (ii) সংশ্লিষ্ট কর্মচারীগণ পূর্বালী ব্যাংক লিঃ, পাগলা বাজার শাখায় স্ব স্ব নামে ভবিষ্যৎ তহবিল নামে পৃথক পৃথক হিসাব খুলবেন এবং উক্ত হিসাব হতে চেয়ারম্যান, উপজেলা, শান্তিগঞ্জ এবং উপজেলা নির্বাহী অফিসার, শান্তিগঞ্জ মহোদয়ের পূর্বানুমতি ব্যতিরেকে কোন অর্থ উত্তোলন করা যাবে না। (iii) জনাব মোঃ আব্দুল হাই আজাদ, সাঁট-মুদ্রাক্ষরিক-কাম-কম্পিউটার অপারেটরসহ অন্যান্য কর্মচারীদের ভবিষ্যৎ তহবিলের হিসাব সংরক্ষণে মূখ্য নির্বাহী কর্মকর্তা উপজেলা পরিষদ, শান্তিগঞ্জ ও উপজেলা নির্বাহী অফিসার, শান্তিগঞ্জকে হিসাব রক্ষণ কর্মকর্তা হিসেবে দায়িত্ব পালনের ক্ষমতা প্রদানের সিদ্ধান্ত গৃহীত হয়। উল্লেখ্য যে, যখনই উপজেলা হিসাব রক্ষণ অফিস কর্তৃক পুনঃরায় ভবিষ্যৎ তহবিলের অর্থনৈতিক কোড দিয়ে হিসাব পরিচালনার নির্দেশনা প্রদান করা হলে; তাৎক্ষণিকভাবে উক্ত হিসাবের সমুদয় অর্থ উপজেলা হিসাব রক্ষণ অফিসে হিসাব খুলে উক্ত টাকা জমা প্রদান করতে হবে মর্মেও সিদ্ধান্ত গৃহীত হয়। (iv) উপজেলা পরিষদ কর্মচারী (চাকুরী) বিধিমালা, ২০১০ এর অষ্টম অধ্যায়ের বিধি ৪৭ (৩) উপ বিধি (১) ও (২) এর অধীনে চাঁদা সংশ্লিষ্ট কর্মচারীর প্রদেয় ভবিষ্যৎ তহবিল হিসেবে তাদের স্ব স্ব তহবিলে জমা দেয়ার পক্ষে সর্বসম্মত সিদ্ধান্ত গৃহীত হয়।		

অতঃপর সভায় আর কোন আলোচনা না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

(ফারুক আহমদ)

চেয়ারম্যান

উপজেলা পরিষদ

শান্তিগঞ্জ, সুনামগঞ্জ।

তারিখ: ২৩ জুন, ২০২২ খ্রি:

স্মারক নং-০৫.৪৬.৯০১১.০০০.১১.০৩৬.২১- ৭৬(৩০)

অনুলিপি সদয় অবগতি ও কার্যার্থে (জ্যেষ্ঠতার ক্রমানুসারে নয়):

০১. জনাব এম.এ.মান্নান, মাননীয় মন্ত্রী, পরিকল্পনা মন্ত্রণালয়, গণপ্রজাতন্ত্রী বাংলাদেশ সরকার।
০২. মন্ত্রিপরিষদ সচিব, বাংলাদেশ সচিবালয়, ঢাকা।
০৩. সচিব, স্থানীয় সরকার বিভাগ, স্থানীয় সরকার পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
০৪. কমিশনার, সিলেট বিভাগ, সিলেট।
০৫. জেলা প্রশাসক, সুনামগঞ্জ।
০৬. ভাইস চেয়ারম্যান/মহিলা ভাইস চেয়ারম্যান, উপজেলা পরিষদ, শান্তিগঞ্জ।
০৭. উপজেলা কর্মকর্তা, শান্তিগঞ্জ।
০৮. চেয়ারম্যান ইউনিয়ন পরিষদ (সকল), শান্তিগঞ্জ।
০৯. জনাব/জনাবা.....

মোঃ আনোয়ার উজ্জ্বল জামান

উপজেলা নির্বাহী অফিসার

ও

মূখ্য নির্বাহী কর্মকর্তা

উপজেলা পরিষদ, শান্তিগঞ্জ